



## ՀԱՄԱՔՐԻՍՏՈՆԵԱԿԱՆ ՉՈՐՐՈՐԴ ԽՍՂԱՂՈՒԹՅԱՆ ԿՈՆՖԵՐԱՆՍԸ ՊՐԱԳԱՅՈՒՄ

Համաքրիստոնեական չորրորդ խաղաղության կոնֆերանսը տեղի ունեցավ 1971 թվականի սեպտեմբերի 30-ից հոկտեմբերի 4-ը Պրագայի «Ինտերնացիոնալ» հյուրանոցում: Նրան մասնակցում էին աշխարհի ամենատարբեր երկրների եկեղեցիների 236 պատգամավոր և շուրջ 100 հյուրեր, դիտորդներ, լրագրողներ:

Ամենայն Հայոց Վեհափառ Հայրապետի կարգադրությամբ կոնֆերանսի աշխատանքներին մասնակցում էին, հանուն Մայր Աթոռի, Գերագույն հոգևոր խորհրդի անդամներ՝ Ռուսաստանի և Հյուսիսային Կովկասի հայոց առաջնորդ տ. Պարզև եպս. Գևորգյանը և Հովհաննես Թոփուզյանը:

Խաղաղության կոնֆերանսի աշխատանքները սկսվեցին սեպտեմբերի 30-ին՝ Նիգերիայի եպիսկոպոս Ֆեստուս Սեզընի աղոթքով և ընթացան «Քրիստոնյաների պատասխանատվությունն ավելի լավ աշխարհի համար» բնաբանով:

Երկրորդ և երրորդ լիազումար նիստերում լավեցին քրիստոնյաների խաղաղության շարժման նախագահի պաշտոնակատար միտրոպոլիտ Նիկողիմի, գլխավոր քարտուղարի պաշտոնակատար Յանուս Մակովսկու, փոխ-նախագահներ դոկտ. Հերբերտ Մոխարսկու և հոգևոր հովիվ Ռ. Անդրիման-ժատոյի զեկուցումները:

Առաջին զեկուցումը («Քրիստոնյաների պատասխանատվությունը ավելի լավ աշխարհի համար») նվիրված էր չորրորդ կոնֆերանսի աշխատանքների հիմք հանդիսացող աստվածաբանական գլխավոր սկզբունքների բնութագրմանը, երկրորդը՝ քրիստոնյաների խաղաղության շարժման ղեկավար օրգանների 1968—1971 թվականների գործունեությանը, երրորդը («Միջազգային իրադրությունը քրիստոնյաների խաղաղության կոնֆերանսի գնահատմամբ») նվիրված էր Վիետնամի, Մերձավոր Արևելքի, Հարավային Աֆրիկայի, Պակիստանի և Եվրոպայի հարցերի վերլուծությանը և դրանց խաղաղ կարգավորման ուղիների որոնմանը: Այդ շարքի վերջին զեկուցողը հանգամանորեն քննարկեց զարգացած և զարգացող երկրների փոխհարաբերության մի շարք էական հարցեր: Այնուհետև մտքերի աշխույժ փոխանակություն ծավալվեց զեկուցումներում արծարծված հարցերի շուրջ:

Հոկտեմբերի 1-ի լիազումար նիստում լավեցին վեց զեկուցումներ՝ «Ազատագրական ճակատի վրա», «Պայքար ռասիզմի դեմ», «Մերձավոր Արևելքի խաղաղությունը», «Արդարություն Լատինական Ամերիկային», «Վիետնամը վիետնամցիներին» և «Եվրոպայի անվտանգությունը»:



Նույն օրվա երեկոյան սկսվեց աշխատանքը տարբեր հարցերի գծով խմբերում:

Գործում էին հետևյալ հինգ խմբերը.

ա) Աստվածաբանական հարցեր,

բ) Միջազգային հարցեր,

գ) Տնտեսություն և քաղաքականություն,

դ) Երիտասարդություն,

ե) Ռասիզմ:

Հայ եկեղեցու ներկայացուցիչներից տ. Պարզե եպիսկոպոսը մասնակցում էր սուաշին, իսկ Հովհաննես Թովուզյանը՝ երկրորդ խմբի աշխատանքներին՝ պատգամավորների հանգամանքով:

Ընդհանուր վերնագրերի ներքո քննարկվեցին և բանաձևեր հանվեցին միջազգային ամենահրատապ հարցերի վերաբերյալ: Այդ բանաձևերը, որոշ ուղղումներով, հիմք դարձան չորրորդ կոնֆերանսի ընդունած գլխավոր փաստաթղթին:

Հոկտեմբերի 3-ի լիագումար նիստում ընդունվեցին քրիստոնյաների խաղաղության շարժման դեկլարար օրգանները՝ աշխա-

տանքը շարունակող կոմիտեն, աշխատանքային կոմիտեն և շարժման նախագահը: Նախագահն ընտրվեց միտրոպոլիտ Նիկողիսը: Աշխատանքը շարունակող կոմիտեի անդամ ընտրվեց տ. Պարզե եպս. Գևորգյանը:

Հաջորդ օրը տեղի ունեցավ զույգ կոմիտեների միացյալ նիստը, որտեղ ընտրվեցին քրիստոնյաների խաղաղության շարժման գլխավոր քարտուղար (դոկտ. Կարոյի Տոթ՝ Հունգարիայից), փոխ-նախագահներ և միջազգային հարցերի գծով քարտուղար:

Համաքրիստոնեական չորրորդ խաղաղության կոնֆերանսը ոչ միայն հաղթահարեց 1969—1970 թվականների ներքին ճգնաժամի հետևանքները, այլև նպաստեց խաղաղության տենչով տոգորված, բայց քաղաքական տարբեր համոզմունքներ ունեցող մարդկանց միավորման ու համագործակցության ամրապնդմանը՝ հանուն «ավելի լավ աշխարհի»:

